

01【錢鼠仔過大路】

彭瑞珠

「錢鼠過大路哩啲！」大錢鼠座頭，後條咬等前條个尾，佢兜行做一列，對佢屋脣个水涵空，轉屋咧。這兜錢鼠，大擘擘仔行過佢屋下个電視間，佢兩支腳踏上凳板、正手定定仔抓起掣仔鞋¹，佢目視視看等佢兜、恬恬仔擎起佢个正手，兩支腳準備愛跳起來……，佢就毋相信！

「毋好打佢哦！佢兜，會帶財來！」佢姆一出聲，佢乜準無事情，定定仔，坐轉凳板。毋過，佢還係頸偏偏仔掌等佢兜，一擺、兩擺……，錢鼠就毋驚佢咧，成時，還會幹轉頭來瞞²佢！毋過，佢兜个目珠仁矇矇，怕係有近視眼！

佢恁毋解，錢鼠恁臭，佢做得分佢兜戴、無收屋稅，又還做毋得打佢？還過，佢兜雖然毋會偷食穀，毋過，會偷喫店肚个鮫魚，還會摺歸包新新个衛生紙嚙到綿綿，拿去絮竇咧！

就因為佢較無膽，一著驚，就唧唧滾，有一息仔像銀角仔極極推推个聲，恁樣，佢就愛讓佢？佢想毋解，尋書看：錢鼠个嘴尖尖，摺老鼠無共樣哦；佢食蟲仔較多，摺老鼠乜無相同。對分類學來講，錢鼠摺老鼠乜係無共種、

無共屬、無共科，無共目个動物啊！原來，係因為錢鼠仔，毋係「老鼠」啊！

錢鼠个目珠花花，細錢鼠又比大錢鼠還較看毋清楚，所以，錢鼠阿姆正會渡等佢个子女，排做一列，共下出去尋食，又正共下轉屋。看佢兜恁樣，後條咬等前條个尾，排做一列在佢屋下過大路个樣仔，正經有像人个愛徙去哪位戴个篷車隊³咧！佢看慣咧，也試著已生趣。

毋過，別人屋下係畜貓仔做伴，畜狗掌屋；佢屋下，算係分錢鼠戴，無收屋稅定定。佢姆講：「佢就無耕無種咩，借佢戴，會仰般？毋過，分佢喫過个東西，還係愛清忒，正有衛生哦！」就係有恁好心个屋主哪！你看啊，錢鼠，又在佢屋下樂線个過大路哩啲！

¹掣仔鞋：音 cad e\ hai\；拖鞋。

² 篷車隊：音 pung\ ca/ cui；篷車隊。篷車隊(caravanning)行為，指幼鮑出生5~22天間外出活動時，幼鮑們會緊隨母鮑，一隻接著一隻頭尾啣接成串活動的特殊行為。